

Na osnovu člana 16. stav 2. Zakona o Vladi Zeničko-dobojskog kantona-prečišćen tekst („Službene novine Zeničko-dobojskog kantona“, broj 7/10), a u vezi sa tačkom V. Odluke Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, broj 01-14-10/14 od 04.09.2014. godine o utvrđivanju kriterija, dodjeli i usmjeravanju sredstava nastradalim područjima, Vlada Zeničko-dobojskog kantona, na 185. sjednici, održanoj dana 02.10.2014. godine, d o n o s i

ODLUKU

o dodjeli sredstava općinama Zeničko-dobojskog kantona za pomoć u izgradnji objekata za potrebe porodica čiji su stambeni objekti uništeni usljed prirodne nesreće

Član 1.

(Predmet)

Odobravaju se sredstva u iznosu od 1.000.000,00 KM općinama Zeničko-dobojskog kantona za pomoć u izgradnji objekata za potrebe porodica čiji su stambeni objekti uništeni usljed prirodne nesreće izazvane poplavama iz maja i augusta 2014. godine i to:

Redni broj	Općine Zeničko-dobojskog kantona	Broj uništenih stambenih objekata	Broj stambenih objekata za izgradnju	Raspoređeni iznos sredstava u KM
1.	Zenica	28	3	107.100,00
2.	Zavidovići	13	1	35.700,00
3.	Maglaj	88	10	357.000,00
4.	Žepče	84	9	321.300,00
5.	Olovo	13	1	35.700,00
6.	Kakanj	35	3	107.500,00
7.	Tešanj	8	1	35.700,00
	Ukupno:	269	28	1.000.000,00

Član 2.

(Realizacija Odluke)

Sredstva će se doznačiti na račune općina u iznosima navedenim u tabeli iz člana 1. ove Odluke, nakon što Federalni fond za pomoć nastradalim područjima od prirodne nesreće na teritoriji Federacije Bosne i Hercegovine doznači sredstva na račun Zeničko-dobojskog kantona.

Član 3.

(Potpisivanje ugovora)

U skladu sa tačkom V Odluke o utvrđivanju kriterija, dodjeli i usmjeravanju sredstava nastradalim područjima Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, broj: 01-14-10/14 od 04.09.2014. godine, direktor Fonda će potpisati ugovor sa korisnicima sredstava i predstavnicima općina Zeničko-dobojskog kantona na čijoj teritoriji će se vršiti izgradnja stambenih objekata.

Član 4.

(Primjena Standarda)

U realizaciji ove Odluke primjenjivat će se Standardi za obnovu i izgradnju stambenih jedinica i objekata ugroženih poplavama i klizištima, Upravnog odbora Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, broj: 01-44-8/14 od 04.09.2014. godine.

Član 5.
(Izvještavanje)

Zadužuju se općine Zeničko-dobojskog kantona na čijoj teritoriji će se vršiti izgradnja stambenih objekata, da nakon realizacije potpisanih ugovora, dostave izvještaj sa dokumentacijom o namjenskom utrošku sredstava Vladi Zeničko-dobojskog kantona i Federalnom fondu za pomoć nastradalim područjima od prirodne nesreće na teritoriji Federacije Bosne i Hercegovine.

Član 6.
(Prestanak važenja dosadašnje Odluke)

Stupanjem na snagu ove Odluke prestaje da važi Odluka o dodjeli sredstava općinama Zeničko-dobojskog kantona za pomoć u izgradnji objekata za potrebe porodica čiji su stambeni objekti uništeni usljed prirodne nesreće, broj: 02-14-18475/14 od 18.09.2014. godine

Član 7.
(Stupanje na snagu)

Ova Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____/14.
Datum, 02.10.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ured Premijera,
1x Ministarstvo finansija,
9x Općine Zeničko-dobojskog kantona, putem Ureda,
1x „Službene novine Zeničko-dobojskog kantona“,
1x a/a.